



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De incremento doctrinae catholicae, & perpetua destructione templorum  
Idololatricorum, ac de exundiatione Nili fluuij. Capvt XX.

**urn:nbn:de:hbz:466:1-12718**

SOZOMENI HISTOR.

*De incremento doctrina catholica, & perpetua  
destructione templorum Idololatricorum,  
ac de exundatione Nili fluij.*

CAPVT XX.

**D**Iuulsis ita (vti dictum est) ijs, qui aliarum sectarum fautores erant, maius etiamnum incrementum capiebat ecclesia catholica, cum illi accederent plurimum ex discordia inter sese dissidentium hæreticorum, tum vel maximè ex multitudine paganorum: Imperator enim quia animaduvertebat superioris temporis cõsuetudine subditos adhuc ad cultum patrium & religiosos ipsorum locos adduci, statim in Imperij initio vetuit, ne hos accederent, ac tandem multos etiam subuertit. Illi itaque templorum defectu, temporis progressu ad ecclesias ventitare consuefacti sunt, neque enim ethnico ritu clam sacrificare tutum erat. Sed capitis & facultatum ablationem pœnæ nomine lex continebat aduersus eos lata, qui talia auderent: Ferunt autem Aegypti fluuium tunc solito tardius ad primum exundationis gradû constitisse. Aegyptij ergo indignabantur, quod non permitterentur secundum leges patrias fluuiio sacrificare. Animaduertens autem gētis eius præfectus eos ad seditionem adornari, Imperatori rem indicauit. Imperator re intellecta, satius est, inquit, erga Deum permanere fidelem, quàm fluuenta Nili, & ex ijs expectatam anni fertilitatem præposuisse pietati, vel nunquam enim fluxerit iste fluuius, si quidem reuera & exantationibus pellici, & sacrificiis delectari, & sanguinis fluxu inquinare influentes ex diuina Paradiso riuos potest: Ceterum Nilus haud multò post largiter effusus etiam sublimioribus vndas immisit: & postquam ad perfectissimâ, ac rarò completam mensuram accessisset, ac nihilominus aqua intumesceret, in contrarium timorem coniecti sunt Aegyptij, ac metus erat, ne & Alexandropolim, quæ Libiæ portio erat, fluuius inundaret. Fertur itaque Alexandriensium paganos ob hoc ipsum stomachantes quod præter opinionem euenerat, subsânasse, & in Theatris exclamasse, quod fluuius veluti senex ac delirus eminxisset: ex eo plu  
rimi

nimi Aegyptij patria superstitione damnata, ad Christianismum transferunt. Atque hæc quidem vt comperi conscripsi.

*De inuentione venerabilis capitis Diui Iohannis Baptistæ, & qua eius nomine facta sint.*

## CAPVT XXI.

Circa hoc tempus Constantinopolim translatum fuit Iohannis Baptistæ caput, quod Herodias ab Herode Tetrarcha petierat: Fertur autem fuisse repertum apud monachos quosdam sectæ Macedonianæ, qui cum primùm Hierosolymis habitassent, postea migrarunt in Ciliciam: Sub eo autem imperio, quod ante præsens hoc fuit, iudicante Mardonio, qui domus Imperatoriæ maior Eunuchus erat, iusserat Valens illud Constantinopolim transferri. Itaque illi qui in hoc missi erant, publico vehiculo impositum agebant. Sed vbi ad Panticium peruenissent (qui locus est Chalcedonis) non vltius procedere voluerunt muli, qui vehiculum trahebant, & quidem comminantibus equisonibus, & auriga flagris acriter urgente: cum autem nihil proficerent, videreturque cunctis, & ipsi quoque Imperatori, res ea non sine miraculo ac numine diuino geri, sacrum hoc caput in Cosilai pago deposuerunt, erat enim is fortè in proximo, & ad Mardonii huius ditionem pertinebat. Circa hoc autem tempus siue Deo, siue ipso Propheta exuscitante, venit in hunc pagum Theodosius Imperator. Cui quidem, cum Baptistæ reliquias tollere vellet, solam aiunt restitisse Matronam: ea erat virgo sacra, sed quam sectarentur minister & custos. Cum autem illa cunctis viribus resisteret, ratus non esse cogendam, precibus contendebat, vt concederet, & postquam grauatè cessisset, irritum fore Imperatori quod conabatur, ex eo rata quod tempore Valētis acciderat, purpura sua thecam in qua iacebat, caput inuoluens, accipiebat, ac reuersus ante urbem Constantinopolitanam condidit, in loco quem Hebdomon vocant, ædificato ibidem in honorem Dei amplissimo pulcherrimoque templo: Matronam porrò quamuis frequenter ac multum precatus, & blandis pollicitationibus adortus esset, inducere

Z Imperator